

АКАФИСТ СВЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ



АКАФИСТ СВЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ

Трѣтѣе. Пресѣла прѣце: Оче наш: Гдн помилуй, бѣ. Слава, и нынѣ:
Прѣидѣте, поклонѣмса црѣви нашемѣ бгѣ.
Прѣидѣте, поклонѣмса и припадѣмх хртѣ, црѣви нашемѣ бгѣ.
Прѣидѣте, поклонѣмса и припадѣмх самомѣ хртѣ црѣви и бгѣ нашемѣ.

Уаломх дѣдѣ, рѣв.

Гдн, оуслыши млтвѣ моѣ, внѣши молѣнѣ моѣ во истинѣ твоѣй, оуслыши мѣ въ правдѣ твоѣй: И не внѣди въ сѣдѣхъ сѣ рабомѣ твоимѣ, ѣкѣ не оуправдѣтса прѣдъ тобою всѣкѣ живѣй. ѣкѣ погна врагѣ дѣшѣ моѣ, смирѣлѣ ѣсть въ зѣмлю живѣтѣ моѣ: Погдѣлѣ мѣ ѣсть въ тѣмныхъ, ѣкѣ мѣртвѣмѣ вѣка. И оуны во мнѣ дѣхѣ моѣ, во мнѣ сматѣлѣ сѣрдце моѣ. Поманѣхѣ днѣ дрѣвнѣмѣ, побчѣхѣмѣ во всѣхѣхъ дѣлѣхѣхъ твоихѣхъ, въ творѣнѣихѣхъ рѣкѣ твоѣю побчѣхѣмѣ. Воздѣхѣмѣ къ тебѣ рѣцѣ моѣ, дѣша моѣ ѣкѣ зѣмля безвѣднаа тебѣ. Скѣрѣ оуслыши мѣ гдн, и гчѣзѣ дѣхѣ моѣ: не ѣврати лица твоѣго ѣ менѣ, и оуподѣблѣмса низходѣщимѣмѣ въ рѣвѣ. Слышанѣ сотвори мнѣ заѣтра млтѣ твоѣ, ѣкѣ на тѣ оуповѣхѣ. Скажи мнѣ гдн, пѣть, вѣньже пойдѣ, ѣкѣ къ тебѣ вѣзѣхѣ дѣшѣ моѣ. Изми ма ѣ врагѣ моихѣ, гдн, къ тебѣ прѣбѣгѣхѣ, наѣчи ма твори ти вѣлю твоѣ, ѣкѣ ты ѣси бгѣ моѣ. Дѣхѣ твоѣмѣ бѣгѣ наѣтавитѣ мѣ на зѣмлю правѣ. И мене твоѣго рѣди гдн, живѣши мѣ, правдою твоѣю и зѣведѣши ѣ печѣли дѣшѣ моѣ: И млтѣю твоѣю потребѣши врагѣ моѣ, и погѣбиши всѣ стѣжѣяющѣмѣ дѣши моѣй, ѣкѣ ѣзѣ рабѣ твоѣмѣ ѣльмѣ.

Слава, и нынѣ:

ѣллиѣѣ, ѣллиѣѣ, ѣллиѣѣ, слава тебѣ вѣже. Трѣжды.

Тропарь, глас 2

Богом умудренную блаженную старицу Матрону, / земли Тульския процветѣние / и града Москвы преславное украшѣние, / восхвалим днѣсь, вернии. / Сия бо, света дневнаго не познавши, / светом Христовым просветѣся / и даром прозрения и исцелѣния обогатѣся. / Пресельница же и странница на земли бывши, / ныне в чертозах Небесных Престолу Божию предстоит // и молится о душах наших.

Кондак, глас 7:

К служению Христову / от чрева матерня предызбранная, / праведная Матроно, / стезею скорбей и печалей шѣствующи, / твердую веру и благочестие явивши, / Богу угодила еси. / Темже, почитающе память твою, молим тя: / помози и нам в любви Божии пребывати, // старице блаженная.

Величание

Величаем тя, святая праведная блаженная Матроно, / и чтим святую память твою, / ты бо молиши о нас // Христа Бога нашего.

АКАФИСТ СВЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ

Кондак 1

Избранная Духом Божиим от пелен младенческих, блаженная старице Матроно, / слепоту и немощь телесную ко очищению духовному от Бога приявшая, / даром прозрения и чудес обогатилася еси и венцем нетленным от Господа украсилася еси. / Сего ради и мы благодарне венец похвальный приносим ти, вопиюще: /

Радуйся, праведная мати Матроно, теплая о нас к Богу молитвеннице.

Икос 1

Ангел во плоти явилася еси на земли, Матроно блаженная, исполняючи волю Божию. Аще рождество твое в слепоте телесней бысть, но Господь, умудряяй слепцы и любяй праведныя, просвети духовней очи твои, да послужиши людям и дела Божии явятся чрез тебе. Мы же с любовью вопием ти таковая:

Радуйся, от младенчества Богом избранная;

Радуйся, благодатию Духа Святаго от пелен осененная.

Радуйся, даром чудес измлада обогащенная;

Радуйся, премудростию от Бога свыше исполненная.

Радуйся, мысленными очима волю Божию прозирающая;

Радуйся, слепотствующих умом мудрецов века сего посрамляющая.

Радуйся, души заблудшия к Богу приводяющая;

Радуйся, скорби и печали утोलяющая.

Радуйся, праведная мати Матроно, / теплая о нас к Богу молитвеннице.

Кондак 2

Видяще людие и иерей, егда крещаше тя, блаженная, чудный столп облачный над главою твоею и обонявше благоухание велие, дивляхуся, что убо сия отроковица будет, поюще Богу: Аллилуиа.

Икос 2

Разум имея просвещенный, иерей Божий Василий позна, яко крещаемая от него сосуд благодати Божия есть, и ты, праведная Матроно, отроковицу святу нарече. От нашего же усердия приносим ти похвалы сия:

Радуйся, во святей купели благодатию Святаго Духа облагауханная;

Радуйся, на персех твоих крест запечатленный имевшая.

Радуйся, молитвеннице, от Бога людем дарованная;

Радуйся, свеще неугасимая, пред Господем сияющая.

АКАФИСТ СВЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ

Радуйся, даром чудотворения от Бога прославленная на земли;
Радуйся, венцем неувядаемым от Господа увенчанная на небеси.
Радуйся, милости Божия грешным возвещающая;
Радуйся, от источника воды живыя жаждущия напаяющая.
Радуйся, праведная мати Матроно,/ теплая о нас к Богу молитвеннице.

Кондак 3

Силу Божия благодати ощущаючи, еще во младенчестве сущи, Матроно блаженная, ко иконам святым устремлялася еси, и чистым сердцем и младенческими усты хвалу Богу возглашала еси: Аллилуиа.

Икос 3

Имущи от Бога дар прозрения издетска, блаженная мати, сокровенная сердец приходящих к тебе ведущи, и оным будущая, яко настоящая сказующи, многия люди на путь благочестия направляла еси. Темже прославляюще Бога, умудряющего слепцы, вопием тебе сице:

Радуйся, дивная провидице;
Радуйся, сокровенных грехов обличительница.
Радуйся, помраченных душею пресветлая наставнице;
Радуйся, заблуждших милостивая путеводительница.
Радуйся, звездо, верным путь указующая;
Радуйся, свеще, во тьме века сего светящая.
Радуйся, единому Богу послужившая;
Радуйся, козни диавольския благодатию Духа Святаго поправлвшая.
Радуйся, праведная мати Матроно,/ теплая о нас к Богу молитвеннице.

Кондак 4

Буря недоумения и смятения о чудесех твоих в людех развеяся, мати блаженная, и тии, вразумившу их Господу, дивному во святых Своих, прославиша и восхвалиша тя, Богу же с благодарением воспеша: Аллилуиа.

Икос 4

Слышавше людие, мати Матроно, яко помощь в недужех душевных и телесных подаеши, прихождаху к тебе со упованием, и совет благоприятен и исцеление получивше, благодаряще Бога, воспеваху тебе:

Радуйся, яко болезнующих и страждующих душею приемлещи;
Радуйся, яко мир душам скорбящим даруеши.
Радуйся, в заблуждениих сущих вразумительница;
Радуйся, благочестия учительница.

АКАФИСТ СВЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ

Радуйся, печалей наших утолительнице;
Радуйся, в скорбех утешительнице.
Радуйся, благая безсребреице;
Радуйся, недугов всяческих безмездная врачевательнице.
Радуйся, праведная мати Матроно,/ теплая о нас к Богу молитвеннице.

Кондак 5

Боготечная звезда возсияла еси, мати блаженная Матроно, во дни лихолетия во Отечествии нашем, яко новая исповедница, иго Христова дерзновенно и безбоязненно чрез все житие пронесла еси, и благодатию Божию укрепляема, подавала еси недоумевающим вразумление, страждующим ослабу, больным исцеление, благодарственно зовущим Богу: Аллилуиа.

Икос 5

Видяще мнози Российстии людие чудеса и исцеления, Божию благодатию от тебе подаваемая: хромым – хождение, расслабленным и на одре лежащим – исцеление, беснующимся – духов злобы отгнание, устремившася к тебе, мати, яко к источнику неисчерпаемому, от него же испивше обильно, умилненным сердцем возопиша тебе таковая:

Радуйся, на путь правый от младенчества призванная;
Радуйся, праведнице, от Бога нам дарованная.
Радуйся, целительнице, недуги наша исцеляющая;
Радуйся, в нуждах наших скоро помогающая.
Радуйся, душеполезными советы нас вразумляющая;
Радуйся, недоумения наша скоро разрешающая.
Радуйся, духи нечистыя от человек отгоняющая;
Радуйся, от всякого зла молитвою твоею ограждающая.
Радуйся, праведная мати Матроно,/ теплая о нас к Богу молитвеннице.

Кондак 6

Провозвестник святости и праведности жития твоего, блаженная мати, явися святой и праведный отец Иоанн Кронштадтский, егда узре тя во храме и наименова тя свою преемницу таже и осмый столп России. Все же, слышавше сие, прославиша Господа, возглашающе Ему песнь: Аллилуиа.

Икос 6

Возсия молитвами твоими, мати Матроно, свет благодати Божия в сердцах, не ведущих Бога и грехми многими прогневающих Его. Тии же, видяще чудеса, тобою совершаемая, обращася ко Господу, ублажающе тя сие:

АКАФИСТ СВЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ

Радуйся, подвиги твоими Бога прославляяющая;
Радуйся, славу Божию нам являяющая.
Радуйся, неверныя на путь правый наставляяющая;
Радуйся, грехи оскверненныя молитвами твоими очищаяющая.
Радуйся, к покаянию нас призываяющая;
Радуйся, за вся благодарити Господа нас вразумляяющая.
Радуйся, храм Божий любиши нас научаяющая;
Радуйся, во ограду церковную расточенныя овцы собираяющая.
Радуйся, праведная мати Матроно,/ теплая о нас к Богу молитвеннице.

Кондак 7

Хотящи Пресвятую Владычицу нашу Богородицу достойно ублажити, мати Матроно, повелела еси людем написати всечестный образ Ея, «Взыскание погибших» именуемый и в храме Божиим веси твоя водворити, да вси взирающе на светлый лик Пречистыя, со умилением восхвалят Ю, Господу же возопиют: Аллилуиа.

Икос 7

Новую ты заступницу, молитвенницу и ходатаицу к Богу дарова Господь в годину тяжкую людем Российским, мнози бо отпадаху от Святыя Церкви, ты же, мати, маловерныя и заблудшия наставляла еси словом и делом, являющи дивная чудеса Божия. Темже воспеваем ти сице:
Радуйся, страны нашея Российския неусыпная печальнице;
Радуйся, спасения нашего ходатаице.
Радуйся, Бога, Судии праведнаго, умилоствительнице;
Радуйся, недужных и обидимых покровительнице.
Радуйся, немощных и безнадежных помощнице;
Радуйся, противу духов злобы непрестанная воительнице.
Радуйся, яко трепещут ты князи бесовстии;
Радуйся, яко радуются о тебе ангелы и человеецы.
Радуйся, праведная мати Матроно,/ теплая о нас к Богу молитвеннице.

Кондак 8

Странно маловерным и неразумным бысть, како слепорожденная видети и ведети может не точию настоящая, но и будущая, не ведяху бо силы Божия, в немощи человечестей совершаемая. Мы же, блаженная мати, премудрость Божию, в тебе явленную зряще, вопием Богу: Аллилуиа.

АКАФИСТ СЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ

Икос 8

Всяческия досаждения и обиды, изгнания и укорения претерпела еси, блаженная мати, не сетующи о сем, но за вся благодарящи Бога. Сим же и нас научаеши терпеливно нести крест свой, тебе же благохвалити тако:
Радуйся, в молитве непрестанно пребывавшая;
Радуйся, духов злобы постом и молитвою отгнавшая.
Радуйся, мир благодатный стяжавшая;
Радуйся, любовию твоею многия окрест тебе спасающая.
Радуйся, житием твоим изрядно людем послужившая;
Радуйся, и по кончине твоей людем непрестанно помогающая.
Радуйся, и ныне нашим прошением тепле внимающая;
Радуйся, уповающих на помощь твою не оставляющая.
Радуйся, праведная мати Матроно,/ теплая о нас к Богу молитвеннице.

Кондак 9

Всякия скорби и болезни аще и претерпела еси, мати Матроно, непрестанно ведуши брань с силами тьмы, обличающи козни и коварства их, и изгоняющи бесы от одержимых, обаче до кончины дний твоих помогала еси страждующим, недугующим и скорбящим, присно поющи Богу: Аллилуиа.

Икос 9

Ветии многовещаннии не возмогут достойно прославити святое житие твое и чудеса, силою Божиею тобою творимая, предивная старице. Мы же, хотяще псаломски хвалити Бога во святых Его и подвигаемии сердечною любовию, дерзаем пети тебе таковая:
Радуйся, узкий путь и тесная врата избравшая;
Радуйся, добродетельми многими просиявшая.
Радуйся, вся тленная в житии твоём отвергшая;
Радуйся, смирением, яко венцем драгим, украшенная.
Радуйся, евангельски, яко птица небесная, на земли пожившая;
Радуйся, Сыну Божию, не имевшему, где главу подклонити, последовавшая.
Радуйся, ныне во обителях райских веселящаяся;
Радуйся, и нас, грешных, молящихся тебе, милостию твоею не оставляющая.
Радуйся, праведная мати Матроно,/ теплая о нас к Богу молитвеннице.

Кондак 10

Спасти хотящи многия люди от страданий телесных и душевных недугов, всенощно пребывала еси, праведнице Божия, в молитве, просящи им

АКАФИСТ СВЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ

помощи и укрепления от Господа нашего Иисуса Христа, поющи Ему: Аллилуиа.

Икос 10

Стена и покров была еси во дни жития твоего, блаженная мати, всем к тебе прибегающим, и по смерти не престаеши ходатайствовать пред Богом о людех, с верою притекающих ко гробу твоему. Темже убо, услыши ныне и нас, грешных, скорбьми, болезнями и многими печальми одержимых и потщися на помощь твоими молитвами, всем, к тебе вопиющим:

Радуйся, обидимых скорая предстательница;

Радуйся, терпящих лишения утешительнице.

Радуйся, честнаго супружества охранение;

Радуйся, всех, во вражде сущих, умирение.

Радуйся, неправо на суд влекомых защитительнице;

Радуйся, и о виновных пред судом земным к Богу милостивая ходатаице.

Радуйся, лишившихся крова пристанице;

Радуйся, о всех к тебе взывающих, заступннице.

Радуйся, праведная мати Матроно,/ теплая о нас к Богу молитвеннице.

Кондак 11

Пение ангельское слышала еси, мати честная Матроно, еще на земли живущи. Научи и нас, недостойных, како подобает славить Бога, в Троице почитаемаго, Отца и Сына и Святаго Духа, Ему же непрестанно воинства небесная велегласно воспевают: Аллилуиа.

Икос 11

Светозарным светом сияет житие твое, блаженная Матроно, освещая мрак многосуетнаго мира сего, и влечет к себе души наша: яко да и мы лучею благодати Божия озаримся и скорбный путь привременныя жизни богоугодно пройдем и Царствия Божия достигнем, идеже ты, мати, ныне вселилася еси, слышащи глас наш, тебе зовущих:

Радуйся, свеще Божия, присно горящая;

Радуйся, бисере честный, блистанием святыни твоя нас озаряющий.

Радуйся, цвете благовонный, Духом Святым нас облагоухающий;

Радуйся, каменю веры, малодушныя в благочестии утверждающий.

Радуйся, звездо пресветлая, правый путь нам указующая;

Радуйся, добрая воительнице Христова, мечем молитвы демонския полки устрашающая.

Радуйся, яко все житие твое свято и непорочно;

АКАФИСТ СВЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ

Радуйся, яко и смерть твоя пред Господем честна.

Радуйся, праведная мати Матроно,/ теплая о нас к Богу молитвеннице.

Кондак 12

Благодать Божию обильно еще от пелен восприяла еси, мати блаженная, яже выну пребысть с тобою по вся дни жизни. Веруем несумненно, яко и по успении твоём благодать сия пребогато пребывает с тобою. Сего ради припадающе молимся: не лиши и нас, еще странствующих на земли, помощи твоя и заступления, просящи Господа помиловати всех, поющих Ему: Аллилуиа.

Икос 12

Поюще многая и дивная твоя чудеса, мати Матроно, восхваляем Бога, даровавшего граду Москве и Отечеству нашему во дни безбожия и гонения твоя, непоколебимый столп благочестия и веры. Ныне же, блаженная мати, благодарным сердцем воспеваем тебе сице:

Радуйся, мир Христов в душе твоей стяжавшая;

Радуйся, сего ради многая люди окрест тебе к Богу приведшая.

Радуйся, в немощном теле сущи, силу Божию благодати показавшая;

Радуйся, во обретении честных мощей твоих Божию милость нам явившая.

Радуйся, сонма святых Московских изрядное процветение;

Радуйся, града Москвы преславное украшение.

Радуйся, Отечества нашего присная пред Богом печальнице.

Радуйся, к покаянию и молитве о земли Российской всех призывающая.

Радуйся, праведная мати Матроно,/ теплая о нас к Богу молитвеннице.

Кондак 13

О блаженная мати, услыши ныне воспеваемое тебе хвалебное пение и испроси нам у Господа Иисуса Христа грехов оставление, христианския мирныя кончины и добраго ответа на страшном судищи Его, да и мы с тобою сподобимся в селениих райских славити Святую Троицу, вопиюще: Аллилуиа.

(Сей кондак читается трижды и по сем читаем ИКОС 1 и КОНДАК 1)

АКАФИСТ СВЯТОЙ БЛАЖЕННОЙ СТАРИЦЕ МАТРОНЕ МОСКОВСКОЙ

Молитва

О блаженная мати Матроно, душею на небеси пред Престолом Божиим предстоящи, телом же на земли почивающи, и данною ти свыше благодатию различные чудеса источающи. Призри ныне милостивным твоим оком на ны, грешныя, в скорбех, болезнех и греховных искушениях дни своя иждивающия, утеши ны, отчаянныя, исцели недуги наши лютыя, от Бога нам по грехом нашим попущаемыя, избави нас от многих бед и обстояний, умоли Господа нашего Иисуса Христа простити нам все наши согрешения, беззакония и грехопадения, имиже мы от юности нашея даже до настоящего дне и часа согрешихом, да твоими молитвами получивше благодать и велию милость, прославим в Троице Единобога, Отца, и Сына, и Святаго Духа, ныне и присно и во веки веков. Аминь.

Тропарь, глас 2

Богом умудренную блаженную старицу Матрону,/ земли Тульския процветение/
и града Москвы преславное украшение,/ восхвалим днесь, вернии./ Сия бо, света
дневнаго не познавши,/ светом Христовым просветися/ и даром прозрения и
исцеления обогатися./ Пресельница же и странница на земли бывши,/ ныне в
чертозах Небесных Престолу Божию предстоит// и молится о душах наших.

Кондак, глас 7:

К служению Христову/ от чрева матерня предызбранная,/ праведная Матроно,
стеzeю скорбей и печалей шествующи,/ твердую веру и благочестие явивши,/ Богу
угодила еси./ Темже, почитающе память твою, молим тя:/ помози и нам в любви
Божии пребывати,// старице блаженная.

Величание

Величаем тя, святая праведная блаженная Матроно,/ и чтим святую память твою,/ ты бо молиши о нас// Христа Бога нашего.

Прокимен, глас 4:

Господи, открьй очи мои, / и уразумею чудеса от закона Твоего.

Стихь: Отврати очи мои, еже не видети суеты, / в пути Твоем живи мя.